

S ciljem poboljšanja procesa zapošljavanja nezaposlenih osoba i osiguranja neophodne radne snage na tržištu rada u Federaciji Bosne i Hercegovine, izražavajući saglasnost o potrebi unaprijeđenja međusobne saradnje, Udruženje poslodavaca u Federaciji Bosne i Hercegovine, koje zastupa Adnan Smailbegović, predsjednik i Federalni zavod za zapošljavanje, kojeg zastupa Helena Lončar, direktorica (u daljem tekstu : strane potpisnice), dana \_\_\_\_\_2023. godine u Sarajevu, potpisali su sljedeći

## PROTOKOL O SARADNJI

### Član 1.

Ovim Protokolom o saradnji definiraju se pitanja međusobne saradnje, prava i obaveze strana potpisnica vezano za njihove nadležnosti po pitanjima procesa zapošljavanja, osiguranja neophodne radne snage, kao i pitanja usaglašavanja i pripreme određenih projekata zapošljavanja nezaposlenih osoba u Federaciji Bosne i Hercegovine.

### Član 2.

Udruženje poslodavaca u Federaciji Bosne i Hercegovine (u daljem tekstu : Udruženje) kroz svoju nadležnost da štiti i zastupa prava i interese svojih članova, radeći na stvaranju uslova za povoljnije poslovno okruženje i osiguranje neophodne radne snage za potrebe zapošljavanja u privrednim društvima u realnom sektoru u Federaciji BiH, aktivno će saradivati sa Federalnim zavodom za zapošljavanje (u daljem tekstu : Federalni zavod), u kreiranju poslovne politike i s tim ciljem izgradnji kapaciteta kako svojih članica tako i drugih učesnika koji su nadležni i imaju interesa da sudjeluju u procesima zapošljavanja u Federaciji BiH.

Udruženje će kao reprezentativno udruženje poslodavaca u Federaciji Bosne i Hercegovine aktivno saradivati sa Federalnim zavodom, te svojim aktivnostima promovirati stavove i mišljenja poslodavaca vezano za programe i projekte zapošljavanja i u tom pravcu unaprijeđenje socijalnog dijaloga u Federaciji BiH.

Udruženje se obavezuje odazvati na sve pozive za saradnju i podršku aktivnostima koje provodi Federalni zavod, a od interesa su za poboljšanje stanja na tržištu rada i unaprijeđenje procesa zapošljavanja u Federaciji Bosne i Hercegovine.

### Član 3.

Federalni zavod će, s ciljem što bolje realizacije svojih zakonskih nadležnosti, saradivati sa Udruženjem po pitanjima praćenja i predlaganja mjera za unapređenje zapošljavanja nezaposlenih osoba i s tim u vezi osiguranja neophodne radne snage na tržištu rada u Federaciji Bosne i Hercegovine, kroz praćenje, usklađivanje i koordiniranje rada službi za zapošljavanje na provođenju utvrđene politike i mjera u oblasti zapošljavanja i socijalne sigurnosti nezaposlenih osoba iz nadležnosti Federacije Bosne i Hercegovine, a posebno na zapošljavanju svih grupa i kategorija nezaposlenih osoba, zajednički će kreirati i realizirati posebne projekte istraživanja potreba tržišta rada i realiziranja programa profesionalne orijentacije, obuke i prekvalifikacije za nezaposlene osobe i njihovo ponovno zapošljavanje na odgovarajućim poslovima.

Ugovorne strane će saradivati i na poslovima unaprijeđenja poslova evidencije u oblasti rada i zapošljavanja od interesa za Federaciju Bosne i Hercegovine i predlaganja neophodnih mjera za razvoj i funkcioniranje jedinstvenog informacionog sistema u ovoj oblasti.

U okviru svojih propisanih nadležnosti, Federalni zavod i Udruženje će saradivati na pitanju praćenja i poduzimanja mjera za stvaranje uvjeta za povratak građana Federacije BiH sa privremenog rada u inozemstvu i njihovo radno angažiranje u FBiH, kao i na ciljanim istraživanjima, te utvrđivanju stanja kada se radi o potrebama zapošljavanja stranih državljana i osoba bez državljanstva, u skladu sa važećim propisima.

#### Član 4.

Strane potpisnice se obavezuju da će se redovno konsultirati i međusobno razmjenjivati raspoložive informacije s ciljem unaprijeđenja procesa zapošljavanja i poboljšanja položaja nezaposlenih osoba u Federaciji Bosne i Hercegovine.

Strane potpisnice se također obavezuju da će usko saradivati na unaprijeđenju informisanja privrednih subjekata i nezaposlenih osoba o projektima koji su u pripremi ili su već u realizaciji.

#### Član 5.

Strane potpisnice će saradivati na pitanjima istraživanja stanja na tržištu rada, programima stručnih usavršavanja, obukama, prekvalifikacijama i dokvalifikacijama nezaposlenih osoba u Federaciji Bosne i Hercegovine s ciljem smanjenja liste nezaposlenih osoba i poboljšanja procesa zapošljavanja i s tim ciljem će usaglašavati i realizirati neophodne zajedničke projekte.

#### Član 6.

Ovaj Protokol o saradnji se zaključuje na neodređeno vrijeme.

#### Član 7.

Eventualne izmjene, dopune i raskid ovog Protokola o saradnji će se vršiti sporazumno između strana potpisnica.

#### Član 8.

Ovaj Protokol o saradnji se zaključuje u dva originalna primjerka, po jedan za svaku stranu potpisnicu.

#### Član 9.

Ovaj Protokol o saradnji stupa na snagu i primjenjuje se od dana potpisivanja.

Udruženje poslodavaca  
U Federaciji Bosne i Hercegovine

Federalni zavod za zapošljavanje

---

---